



ჩემი გიმნაზია




სტეფანწმინდისა და ხევის ეპარქიის და წმ. ილია მართლის სახელობის გიმნაზიის
ყოველთვიური გაზეთი №2 თებერვალი 2017 წ.

გაზეთი გამოდის გიმნაზიის დირექტორის სტაჟანწმინდისა და ხევის
მთავარეპისკოპოს ივანე ბერიძის ლოცვა-კურთხევით.

2(15) თებერვალი

მირქმა (მიგებება) უფლისა ღვთისა და
მაცხოვრისა ჩვენისა იესო ქრისტესი



მირქმა უფლისა ქრისტიანული
დღესასწაულია, მაგრამ VI საუკუ-
ნემდე იგი გამორჩეული ზეიმით არ
აღინიშნებოდა. 528 წელს, იმპერა-
ტორ იუსტინეს დროს, ანტიოქიას
თავს დაატყდა სამინელი მინისძ-
ვრა, რომელსაც მრავალი ადამიანი
ემსხვერპლა. ამას ზედ დაერთო
შავი ჭირის ეპიდემია. ყოველდღე
რამდენიმე ათასი კაცი იხოცე-
ბოდა. ამ განსაცდელის ჟამს ერთ
კეთილმსახურ ქრისტიანს ზეგარდ-
მო ეუწყა, რომ მირქმის დღესასწაული უფრო საზეიმოდ
აღენიშნათ და, როცა ამ დღეს ღამისთევის ლოცვები და
ლიტანიობა აღასრულეს, ბიზანტიაში უბედურებათა წყე-
ბა შეწყდა. ღვთისადმი მადლიერების ნიშნად 544 წელს
ეკლესიამ განაჩინა, მირქმა (მიგებება) უფლისა ღვთისა
და მაცხოვრისა ჩვენისა იესო ქრისტესი აღენიშნათ უფრო
საზეიმოდ.

6(19) თებერვალი

ღირსი არსენ იყალთოელი (†1127)



ღირსი მამა არსენ იყალთოელი XI-
XII საუკუნეების ერთ-ერთი უდიდესი
ქართველი მოღვაწე, მთარგმნელი,
ენციკლოპედისტი, ჰიმნოგრაფი და
ფილოსოფოსი იყო. დავით რექტორი
წერს: „ესე არსენ იყო გვარად ვაჩ-
ნაძე, იბადის ძე, კაცი ბრძენი და
მეცნიერი და ელინურისა ენისა ზედ-
მინეწილი. აქუნდა შკოლა იყალთოს
მონასტერსა და იყო მოძღვარი სა-
მეცნიერო დავით აღმაშენებლისა
მეფისა“.

12(25) თებერვალი

დღესასწაული ივერიის ყოვლადწმიდა
ღვთისმშობლის ხატისა



იმპერატორ თეოფილეს მეფო-
ბის დროს ბიზანტიის იმპერიაში
ხატმებრძოლობის სამინელი ერესი
მძვინვარებდა.

ნიკეის მახლობლად ცხოვრობ-
და ერთი კეთილმორწმუნე ქვრივი,
რომელიც ფარულად ინახავდა ყოვ-
ლადწმიდა ღვთისმშობლის ხატს.
იმპერატორის გამოგზავნილმა მზე-
დრებმა იპოვეს ეს ხატი. ერთ-ერთ-
მა მათგანმა „მახვილი დასცა პირსა
ხატისა“. მოხდა სასწაული, ნაიარე-
ვიდან სისხლმა იფეთქა. ქვრივი

მთელი ღამე ლოცულობდა ყოვლადწმიდა ღვთისმშობლის
ხატის წინ, დილით კი, ღვთის განგებით, მან ხატი ზღვასთან
მიაბრძანა და ლოცვის შემდეგ წყალში ჩაუშვა. ხატი, ზღვის
ტალღებზე აღმართული, დასავლეთისკენ გაემართა.

ერთხელ, მიმწუხრისას, ათენის ივერთა მონასტრის
ბერებმა ზღვაზე ნათლის სვეტი იხილეს. წმიდა მთის მამებს
ყოვლადწმიდა ღვთისმშობელი გამოეცხადა და აუწყა, რომ
მხოლოდ გაბრიელ ივერიელი იყო ღირსი წმიდა ხატის ზღ-
ვიდან გამობრძანებისა. ბერები გამოუთქმელი სიხარულით
აღივსნენ, იქვე ააგეს პატარა ტაძარი და საკვირველმოქ-
მედი ხატი შიგ დაასვენეს.

პორტაიტისას, ანუ ივერიის ღვთისმშობლის სასწაულმო-
ქმედი ხატის მადლით მრავალი სასწაული აღესრულება.

26(8) თებერვალი

წმინდა კეთილმსახური დავით IV, მეფე
ყოვლისა საქართველოდსა, აღაშენებლად
წოდებული (†1125)

ძნელბედობის ჟამს საქართველოს იმედად და პატრო-
ნად მოველინა განსწავლული, ბრძნად-მეტყველი, ღვთის-
მოშიში, დავრდომილთა ხელისამყრობელი, ქვრივ-ობოლთა

გთხოვთ, გაუფრთხილდეთ გაზეთს მასში დაბეჭდილი ტექსტის და ფოტოგრაფიის გამო.



განმკითხავი, სამართლიანი მსაჯული, დაუმარცხებელი მეომარი, მახვილი მესიისა – წმ. დავით აღმაშენებელი.

საოცარი მწიგნობარი მეფე, სწორუპოვარი ჰიმნოგრაფი იყო. მისი „გალობანი სინანულისანი“, თავისი ღრმა სულიერებით, უტოლდება ეკლესიის უდიდესი ჰიმნოგრაფების ნაწარმოებებს. დაკრძალულია გელათის მონასტრის შესასვლელში.

25 თებერვალი – საქართველოს ოკუპაციის დღე



25 თებერვალი საქართველოს ოკუპაციის დღეა. საქართველოს დამოუკიდებლობის გამოცხადებიდან (1918 წ. 26 მაისი) სამ წელში, 1921 წელს, რუსეთის წითელი არმია ჩვენ ქვეყანაში 12 თებერვალს შემოიჭრა.

ქართული ჯარი მტერს თბილისის მისადგომებთან ალუდგა. იუნკერებმა მედგარი წინააღმდეგობა გაუწიეს მტერს, მათი უმრავლესობა გმირულად დაიღუპა ბრძოლის ველზე. მათთან ერთად დაიღუპა მოხალისედ წასული, პოეტ კონსტანტინე მაყაშვილის 20 წლის ქალიშვილი მარო მაყაშვილი. ის ყუმბარის ნამსხვრევით სასიკვდილოდ დაიჭრა კეფაში. 23 თებერვალს ბრძოლები შეწყდა.

1921 წლის 25 თებერვალს საბჭოთა რუსეთის მე-11 არმია თბილისში შეიჭრა და საბჭოთა ხელისუფლება გამოაცხადა. ქვეყანამ სუვერენიტეტი დაკარგა.

გმირულად დაღუპული იუნკერები დიდი პატივით დაკრძალეს ეკლესიის ეზოში, იქ, სადაც ამჟამად საქართველოს პარლამენტის შენობა მდებარეობს. აღნიშნული ტაძარი კომუნისტებმა 1930 წელს დაანგრიეს.



ქართველებისთვის ამ მეტად მძიმე დროს უძღვნა პოეტმა კოლაუ ნადირაძემ ლექსი:

სად გმირთა სისხლით ნაპოხიერი,
თოვლს დაეფარა კრწანისის ველი, –
წითელი დროშით, მოღერილ ყელით,
თეთრ ცხენზე მჯდომი, ნაბიჯით წელით
შემოდოდა სიკვდილი ცელით!
თოვდა და თბილისს ეზურა თალხი,
დუმდა სიონი და დუმდა ხალხი...

წელს პირველად საქართველოს პარლამენტის შენობაში გაიხსნა გამოფენა, რომელიც სრულად ასახავს ქართველი ხალხის თავგანწირვას. ქრონოლოგიურად არის ასახული ტაბახმელასა და კოჯორში დაღუპული გმირების ბიოგრაფიები და საქართველოს ოკუპაციის ეს საშინელი დღე.

მარიამ პაპიაშვილი

ეს დღე არ უნდა დაგვავიწყდეს ქართველებს

1921 წელს, სამი წლის თავისუფლების შემდეგ, რუსეთის საბჭოთა არმია კვლავ შემოესია საქართველოს. ქართველები გააფთრებულ წინააღმდეგობას უწევდნენ მოძალადეებს. 24 თებერვალს სრულიად შეწყდა ბრძოლები და 25 თებერვალს რუსეთმა საქართველო გამოაცხადა საბჭოთა შემადგენლობაში.

ეს მძიმე ისტორია ფართოდ შუქდება თანამედროვე ისტორიაში, მაგრამ რატომღაც დავიწყებას ეძლევა მეტად მნიშვნელოვანი ამბავი. რუსეთის ჯარი საქართველოში შემოვიდა აზერბაიჯანის მხრიდან. მანამდე კი რუსული ჯარი საქართველოს დაპყრობას შეეცადა დარიალიდან. ალბათ, დიდი მნიშვნელობა აქვს და მუდამ უნდა გვახსოვდეს, რომ დარიალის სიმაგრეში ერთი მუჭა მოხვევების თავგანწირული ბრძოლის შედეგად რუსეთის მე-11 არმია გეგეჭკორის მეთაურობით უკან გაბრუნდა. ამ ბრძოლაში განსაკუთრებით გამოიკვეთა მოხვევების – მიხელა გომიაშვილის, როგორც ზარბაზნის (პულიმიოტის) მსროლელის, მისი დამხმარე ვასება შადურის, ნასყიდა ფიცხელაურისა და ვასა



ჩოფიკაშვილის როლი. იყო კიდევ ვინმე იმერელი, რომლის ღვაწლსაც მოხვევები არ ივიწყებენ. ამ ბრძოლაში მონაწილეობას იღებდნენ მოხვევე ქალებიც. მათ მეზობლებისთვის ციკაბო კლდეზე აჭკონდათ საჭმელი და წყალი (წყალი თურმე აუცილებელი იყო ზარბაზნის ლულაზე დასასხმელად, თუ არა სიცხისაგან ლულა გასკდებოდა).

25 თებერვალს გორში გაიხსნა ტაბახმელასა და კოჯორში დაღუპულ მეზობლათა მემორიალური დაფა. ჩემი დიდი სურვილი იქნება, რომ დარიალშიც ასევე გაიხსნას მემორიალური დაფა დარიალის დამცველთა უკვდავსაყოფად.

ავთო ხულელიძე

ღონისძიება გიმნაზიაში

გიმნაზიის მოსწავლე-ახალგაზრდობა ხშირად ვხვდებით მონმეც და მონაწილეს საინტერესო ღონისძიებებისა. ახლაც, 16 თებერვალს გიმნაზიის გემოვნებით მოწყობილ საკონცერტო დარბაზში კულტურის სახლის მუშაკების მიერ ჩატარებული იქნა ტიცციან ტაბიძის შემოქმედებისადმი მიძღვნილი ღონისძიება.



ტიციან ტაბიძის ლექსით „მე არ ვწერ ლექსებს“, ღონისძიება მხატვრული კითხვის ოსტატმა ხვიჩა არაბულმა გახსნა. ქეთინო გელაშვილმა, მანანა ფიცხელაურმა და სხვებმა მიმოიხილეს ტიციანის ბიოგრაფია და მისი მოგონებები. მოხვევ პოეტმა მანანა გელაშვილმა წაიკითხა ტიციან ტაბიძის რამდენიმე ლექსი. აღინიშნა ტიციან ტაბიძის განსაკუთრებული ღვაწლი იმ მხრივაც, რომ მან 1934 წელს საფუძველი ჩაუყარა ყაზბეგში მხარეთმცოდნეობის მუზეუმის დაარსებას და სამი წლის განმავლობაში თავდაუზოგავად შრომობდა მისი ფონდის შექმნასა და გამდიდრებაზე.



ღონისძიებას საზეიმო ელფერს აძლევდა ყაზბეგის მუნიციპალიტეტთან არსებული კულტურის ცენტრის ანსამბლების „დიდება“-სა და „ეროზის“ მიერ შესრულებული სიმღერები (ხელმძღვანელი თამარ ხაკიკაშვილი). მაყურებლის მოწონება დაიმსახურა გიმნაზიის მოსწავლეების VII-კლასელი ანა კახალიკაშვილისა და IV-კლასელი ნიკა ბერიძის მიერ შესრულებულმა სიმღერებმა.

მაყურებელი ფეხზე ადგომით შეხვდა ანსამბლ „ეროზი“-ს მიერ შესრულებულ სიმღერას „მრავალჟამიერ“.



ღონისძიების ბოლოს მეუფე იეგუდიელმა მადლობა გადაუხადა ღონისძიების ორგანიზატორებს, დალოცა ისინი და აღნიშნა, რომ ასეთი ღონისძიებების მოწყობას დიდი მნიშვნელობა აქვს ახალგაზრდობის ესთეტიკური და შემოქმედებითი აღზრდის საქმეში.

თამუნა ქუშაშვილი
VII კლასის მოსწავლე

გიმნაზიის გაზეთი

გაზეთი „ჩემი გიმნაზია“ მეუფის ლოცვა-კურთხევითა და ნებით უკვე სამი წელია რაც ფუნქციონირებს.

გაზეთის მიზანია ქრონოლოგიური თანმიმდევრობით – წლების, თვეების, დღეებისა და ზოგჯერ საათების მიხედვითაც ასახოს გიმნაზიის ყოფა-ცხოვრება. ამ მიზნით, გაზეთის ფურცლებზე შუქდებოდა და მიმდინარე წელსაც სისტემატურად ასახული იქნება ყველა ჩატარებული ღონისძიება, როგორც გიმნაზიის მრავალმხრივი ცხოვრების სარკე. ამ მიზნით, როგორც გიმნაზიის თანამშრომლები, ასევე მოსწავლე-ახალგაზრდობა ჩართული იქნება იმ მრავალმხრივ მუშაობაში, ცოცხალი ორგანიზმივით რომ ჩქეფს გიმნაზიის ყოფა-ცხოვრებასა და ყოველდღიურობაში.

გაზეთის მთავარი მიზანია, რომ გიმნაზია-პანსიონის მოსწავლეები შეაჩვიოს აზროვნებას, გამოუმუშაოს წერისა და



მოვლენების მხატვრულად გადმოცემის წეს-ჩვეულებები და კულტურა.

გაზეთის საშუალებით უკვე გამოვლინდა და მომავალშიც გამოვლენილი იქნება ნიჭიერი ბავშვები, რომელთაც შეუძლიათ კარგად ჩამოაყალიბონ თავისი მოსაზრება სხვადასხვა საკითხებზე, ჩასწვდნენ ცხოვრებისეულ საკითხებს.

გაზეთში, როგორც ნამახალისებელ საშუალებაში, პერიოდულად კვლავ დაიბეჭდება მასალები, როგორც აკადემიურად წარმატებულ მოსწავლეებზე, ასევე სხვადასხვა ნიჭით დაჯილდოებულ ბავშვებზე (ხატვა, მუსიკა, ფოტოგრაფია, სპორტი, გალობა და სხვა).

გაზეთის პირველ გვერდზე დაიბეჭდება მოკლე წერილები მიმდინარე თვის რელიგიური დღესასწაულების შესახებ. ეს და გაზეთის სხვა მასალები საინტერესოა როგორც გიმნაზიის, ასევე რაიონის მოსახლეობისათვის.

მ. გომიაშვილი

ჩემი გიმნაზია

გიმნაზია მართლაც ჩემი გახდა. ძალიან მომწონს ეს ორი სიტყვა. გიმნაზიის გაზეთსაც ხომ „ჩემი გიმნაზია“ ჰქვია.

არც კი ვიცი, საიდან და როგორ დავიწყე, იმდენად დიდი და მრავალფეროვანია ეს თემა და ჩემი სიცვარული გიმნაზიისადმი.

გადმოვედი თბილისის საჯარო სკოლიდან და განათლებას ვიღებ წმინდა ილია მართლის სახელობის გიმნაზიაში.



მინდა ვთქვა, რომ გიმნაზია სხვა სკოლებისგან განსხვავდება. განსხვავებულია მასწავლებლის დამოკიდებულება მოსწავლეებთან ურთიერთობაში. პედაგოგები ყურადღებით ეკიდებიან თითოეულ მოსწავლეს. კლასის დამრიგებელი ჩართულია მოსწავლის ყოველდღიურ საქმიანობაში. ჩემი დამრიგებელი ეკა სამქანაშვილი ნამდვილი ადამიანია და ყველანაირად ცდილობს მოსწავლეებიც ადამიანებად აღზარდოს. ის პროგრამული საგნების გარდა გვასწავლის ღვთის სიყვარულსა და შიშს, პატივისცემას, მიტევებასა და სიკეთეს, ვსაურობთ კულტურაზე, ქცევის წესებზე და ასე შემდეგ.

მიყვარს მეუფე იეგუდიელი და მამა ნიკოლოზი. ისინი მუდამ ზრუნავენ ჩვენს კეთილდღეობაზე.

მიყვარს სპორტი. ვჭიდაობ. ჩემი კლასელებისგან ვგრძნობ ნახალისებასა და მხარდაჭერას. მაქვს წარმატებები. ქ. რუსთავში შეჯიბრებაზე ავიღე თასი, მაგრამ ეს არ მაკმაყოფილებს. უახლოეს მომავალში შეჯიბრში მივიღებ მონაწილეობას. მინდა წარმატებები მოვიპოვო და ვასახელო ჩემი გიმნაზია. შედეგზე დავწერ გიმნაზიის გაზეთში.

გიორგი ხეთაგური. IV კლასის მოსწავლე

პეტიონი წიგნი



სოროდან ფრთხილად გამო-
ცანცალდა პატარა ნრუნუნა
ეზოში სასეირნოდ. ცოტა ხნის
შემდეგ შეშინებული სოროში შე-
ვარდა.

- სად იყავი, რა ამბავია, რა დაგემართა? - ჰკითხა დედამ.
- სასერიწოდ ვიყავი.
- რამ შეგაშინა?
- ორი მხეცი ენახე ეზოში.

ერთი ძალიან საშიში უნდა იყოს.

თავზე ხერხი ადგას, ფეხებზე დეზები ასხია, თვალები დაბლვერილი აქვს და ნისკარტი მოკაუჭებული. რომ დამინახა, პირი დაალო და ისე დაიყვირა, გული გამისკდა.




– ეგ ხომ მამალია, შვილო.
მაგისი როგორ შეგეშინდა?

– მეორე კი ძალიან საყვარელი მხეცი უნდა იყოს. თავი მრგვალი აქვს, თვალები დიდი, ტანი ხშირი ბენვითაა დაფარული, კუდი გრძელი და ფაფუკი. რომ დამინახა, ჩემსკენ გამოეძანა, შემეშინდა და გამოვიქეცი.

– უი, ეგ ხომ კატაა, შვილო!
ეროდე მაგას, თორემ ბევრ სხვა

თავივით ვერც შენ გადაურჩები მაგის კლანჭებს და კბილებს.

თავზი



თევზსა ჰკითხეს: – შე
საწყალო, რას გაჩუმებულ-
ხარ, რატომ არაფერს ამ-
ბობ, ქვეყანა შენ გმტრობს,
გდევნის, გჭამს და შენი-
სთანა უვნებელი სულიერი
ქვეყანაზე არ მოიძებნებაო.

თევზმა უპასუხა:

– სათქმელი ბევრი მაქვს, მაგრამ პირი წყლით მაქვს საცხი.

გუბი და ჭიანჭველა



ერთხელ ბუზმა ჰკითხა
ჭიანჭველას: – რა არის,
რომ მუდამ ასე დადიხარ და
ხმას არ იღებ?

– რა ვქნა, ძმაო, ხომ ხე-
დავ, ვმუშაობ... შენ რაღას
აკეთებ?

– Բոգոմ օղ Բաս ցա-

კეთებ? არ გესმის, რომ ვბზუი?

– ბზუილი კი მესმის, მაგრამ შენს გაკეთებულს ვერაფერს ვხედავო, – მიუგო ჭიანჭველამ.

მოძია გიმნაზიის
V კლასის მოსწავლე
მეგი ფიცხელაურმა

მიცვალებულთა შესახებ (გაგრძელება)

გარდაცვალებულის „ორმოცზე“ დაკვალით ცხვარი, ვაპირებთ წლისთავზე დაკვლასაც. ამბობენ, რომ ახალ მიცვალებულზე საჭიროა აღდგომის ცხვრის დაკვლა. ასეა თუ არა? აღდგომას რომ დაკვლათ ცხვარი, გამოგვივა წყვილი, ჩვენთვის კი ცნობილია, რომ მიცვალებულისათვის კენტი უნდა დაიკლას. როგორ მოვიქცეთ?

– თქვენ მიერ დასმულ საკითხებს არავითარი საერთო არა აქვთ მართლმადიდებელ ეკლესიასთან – არც წყვილი და არც კენტი ცხვრის დაკვლას არ ენიჭება მნიშვნელობა გარდაცვლილის სულის ცხოვნებისათვის (საერთოდაც, ქრისტიანულ ეკლესიაში სისხლიანი მსხვერპლი არ შეინიშნება და მას მხოლოდ მონაწილეობის გაცემის სახე აქვს). თუ გსურთ, მიცვალებულს მიაგოთ სათანადო პატივი, მისი სულის მოსახსენებლად უნდა გადაიხადოთ პანაშვიდი, ილოცოთ მისი სულისათვის.

მიცვალებულს ზოგი მესამე, ზოგი მეშვიდე დღეს კრძალავს. არსებობს თუ არა ამ მიმართებით რაიმე კანონი?

- როგორც წესი, ქრისტიანები მესამე დღეს იკრძალებოდნენ მუდამ. მე-7 დღეს დაკრძალვა უფრო საერო ტრადიციას.

ნათესავის გარდაცვალების შემდეგ ზოგი შავ თავსა-
ბურავს ატარებს, ზოგი წვერს უშვებს. რამდენად აუცილებე-
ლია ასეთი საეცილო?

– ასეთი აუცილებლობა არ არსებობს. შეგიძლიათ სხვაგვარად გამოხატოთ თქვენი თანაგრძნობა – მონყალების გაცემით მიცვალებულის სახელზე, ლოცვებით, პანაშვიდის გადახდით – გლოვის გარეგნული გამოხატულება არ უკავშირდება მის სულზე ზრუნვას. თუმცა, თავისთავად გარეგნული გამოხატვის მიმართ არაფერი აქვს ეკლესიას საწინააღმდეგო.

ამბობენ, როდესაც ადამიანი კვდება, სული ამოსდისო. საინტერესოა, სხეულის რომელ ნაწილშია სული?

– სულის გარეშე სხეული არ არსებობს – უიმისოდ იგი დაიშლებოდა. სული მსჭვალავს მთელ ორგანიზმს, მაგრამ თავისი ქმედებით, უპირველესად, თავს ავლენს გულითა და გონებით. სულს აქვს სხეულის მსგავსი იერსახე და ამიტომაც იმიერ ქვეყნად სულები ერთმანეთს იცნობენ.

გაგრძელება შემდეგ ნომერში

იბეჭდება 2005 წლის „კვირის პალიტრის“ მიერ გამოცემული „რას გვეტყვით, მამაო“ კითხვების კრებულიდან

1. ხევიში გავრცელებული გვარი;
2. მთა ხევიში;
3. მთისთვის დამახასიათებელი სტიქია;
4. ხევის ერთ-ერთი მდინარე;
5. ხევის უძველესი სოფელი;
6. ხევიში გავრცელებული რელიგიური დღესასწაული;
7. ხევიში გავრცელებული ცხოველი.

გიორგი ბუჩუკური. IX კლასი

რადატორი მანონი გომიანავილი	სარადატორო კოლეგია: არამიანდრიტი ნიკოლოზ ღლონტი, ციციშვილი ლუდუშაშვილი, ნინო თუშკიანავილი, მარიამ ნიკოლაშვილი, თამარ გუჩუაშვილი.	მის. სტაფანეანდრის წმ. ილია მართლის სახ. გიგანაშვილი - პანსიონი
--------------------------------	---	--